

1498 Francisci frater se ad urbem contulit, velleque reipublicæ stipendium facere Patribus confirmavit. Patres eum missum fecerunt.

Verum enim vero cum antea de Francisco restituendo Patres agerent, Senatus decrevit, uti is exercitus, qui Marata se receperat, Antonium Ordelaſium in Fori Livii regnum induceret, expulſa Catherina, quæ Florentinis auxilia in rempublicam miſerat. Id cum propter municipum in ſæminam impudicam & crudelem odium, tum pro Antonii factione poſſe ad exitum perducī Patres exiſtimaverunt: ſed proviſis ad eam oppugnationem iis rebus, quarum rerum exitus indigeret, nova occaſio Patribus oblata, Senatum a ſententia removit. Eſt in Apennino Metaurenſium proximis finibus caſtellum Sollianum, cujus caſtelli ager ad Florentinorum fines pertingit: id caſtellum Rambertus Malateſta obtinebat. Is igitur Rambertus ad Petrum Medicem veniens ei oſtendit, poſſe Venetos per fines ſuos in hoſtium, qui ſibi finitimi eſſent, agrum atque vicos penetrare nullo prohibente. facillimum eſſe docet, propterea quod nemo id cogitet, nemo vereatur, hoſtes eo ab latere imparatos adoriri, magnumque iis terrorem incutere, magnam perniciem inferre, antequam occurrī ab eis poſſit. cupere ſe ſe in reipublicæ fidem recipi: non ſine reipublicæ uſu futurum demonſtrat, ſi recipiatur. Medices explorato ab eo itinere, reliquiſque rebus cognitis ad urbem celeriter venit, Patribuſque rem denunciāt. Patres Rambertum in reipublicæ fidem recipiunt, ſtiſpe annua quinque auri libris ei conſtituta. Reverſo in caſtra Medice, reliquiſque rebus a legato ducibuſque conſtitutis, Livianus, cui quidem & item Carolo Urſino Virginii filio Senatus præfecturam equitum tradiderat, ad eam rem tentandam deligitur. Is itaque Livianus caſtris, quæ in Forolivienſi erant, magno ſilentio proſectus cum equitibus levis armaturæ ducentis quinquaginta, militibus octingentis, per Cefenæ agrum & Solliani fines noctu itinere conſecto, ante lucem ad fanum Camaldulenſe, quod eſt in valle anguſta magnis